

Հաշվապահական հաշվառման միջազգային ստանդարտ 24

Կապակցված կողմերի բացահայտումներ

Նպատակ

- Սույն ստանդարտի նպատակն է ապահովել, որ կազմակերպության ֆինանսական հաշվետվությունները պարունակեն այն բացահայտումները, որոնք անհրաժեշտ են՝ ուշադրություն հրավիրելու համար այն բանի հնարավորության վրա, որ կազմակերպության ֆինանսական վիճակի և շահույթի կամ վնասի վրա կարող են ներգրածած լինել կապակցված կողմերի գոյությունը և նման կողմերի հետ գործարքներն ու չմարված մնացորդները, ներառյալ հանձնառությունները:

Գործողության ոլորտը

- Սույն ստանդարտը պետք է կիրառվի՝
 - կապակցված կողմերի միջև փոխհարաբերություններն ու գործարքները որոշելիս.
 - կազմակերպության և իր կապակցված կողմերի միջև չմարված մնացորդները, ներառյալ հանձնառությունները, հաստատելիս.
 - այն հանգամանքները որոշելիս, որոնց պարագայում (ա) և (բ) կետերում նշված հոդվածների բացահայտումը պարտադիր է.
 - այդ հոդվածերի վերաբերյալ կատարվելիք բացահայտումները որոշելիս:
- Սույն ստանդարտը պահանջում է բացահայտել կապակցված կողմերի միջև փոխհարաբերությունները, գործարքներն ու չմարված մնացորդները՝ ներառյալ հանձնառությունները, մայր կազմակերպության կամ ներդրման օրիենտի նկատմամբ համատեղ վերահսկողություն կամ նշանակալի ազդեցություն ունեցող ներդրողների՝ համախմբված և առանձին ֆինանսական հաշվետվություններում, որոնք ներկայացվում են «Համախմբված ֆինանսական հաշվետվություններ» ՖՀՍՍ 10-ի և «Առանձին ֆինանսական հաշվետվություններ» ՀՀՍՍ 27-ի համապատասխան։ Սույն ստանդարտը կիրառվում է նաև առանձին ֆինանսական հաշվետվությունների համար։
- Միևնույն իսմբի այլ կազմակերպությունների հետ կապակցված կողմերի միջև գործարքները և չմարված մնացորդները բացահայտվում են կազմակերպության ֆինանսական հաշվետվություններում։ Ներխմբային կապակցված կողմերի միջև գործարքներն ու չմարված մնացորդները բացառվում (վերացվում) են իսմբի համախմբված ֆինանսական հաշվետվությունները պատրաստելիս։

Կապակցված կողմերի գծով բացահայտումների նպատակ

- Կապակցված կողմերի միջև փոխհարաբերություններն առևտրում և ձեռնարկատիրական գործունեությունում սովորական երևոյթ են։ Օրինակ՝ կազմակերպությունները հաճախ իրենց գործունեության մի մասն իրականացնում են դրաստր կազմակերպությունների, համատեղ ձեռնարկումների և ասոցիացված կազմակերպությունների միջոցով։ Այլ հանգամանքներում կազմակերպությունը կարողություն ունի ազդեցու ներդրման օրիենտի ֆինանսական և գործանական քաղաքականության վրա վերահսկողության, համատեղ վերահսկողության կամ նշանակալի ազդեցության միջոցով։
- Կապակցված կողմերի փոխհարաբերությունները կարող են ազդել կազմակերպության շահույթի կամ վնասի և ֆինանսական վիճակի վրա։ Կապակցված կողմերի միջև կարող են կատարվել գործարքներ, որոնք տեղի չեն ունենա, եթե կողմերը կապակցված չինեն։ Օրինակ՝ այն կազմակերպությունը, որն ինքնարժեքով ապրանք է վաճառում իր մայր կազմակերպությանը, նման պայմաններով կարող է ապրանքը չվաճառի մենք այլ գնորդի։ Բացի այդ, կապակցված կողմերի միջև գործարքները կարող են չկատարվել այնպիսի ծավալներով, ինչ չկապակցված կողմերի միջև։

7. Կազմակերպության շահույթի կամ վնասի և ֆինանսական վիճակի վրա կարող են ազդել կապակցված կողմերի փոխարարերությունները, նույնիսկ եթե կապակցված կողմերի միջև գործարքներ չեն կատարվում: Այդպիսի փոխարարերության գոյությունն ինքնին կարող է բավարար լինել կազմակերպության՝ այլ կողմերի հետ ունեցած գործարքների վրա ազդելու համար: Օրինակ՝ դուստր կազմակերպությունը կարող է դադարեցնել իր հարաբերությունները առևտրական գործընկերոց հետ, եթե մայր կազմակերպությունը ձեռք է բերում մեկ ուրիշ դուստր կազմակերպություն, որը գրանցված է նույն գործունեությամբ, ինչ նախկին առևտրական գործընկերը: Եվ ընդհակառակը՝ մի կողմը կարող է ձեռնպահ մնալ գործունեություն ծավալելուց մյուսի նշանակալի ազդեցության պատճառով, օրինակ՝ մայր կազմակերպությունը կարող է հրահանգել դուստր կազմակերպությանը չզբաղվել հետազոտությամբ և մշակմամբ:
8. Այս պատճառներով էլ կազմակերպության գործարքների, շմարված մնացորդների՝, ներառյալ հանձնառությունները, և կապակցված կողմերի հետ փոխարարերությունների իմացությունը կարող է ազդել այն բանի վրա, թե ֆինանսական հաշվետվություններն օգտագործողներն ինչպես կզնահատեն կազմակերպության գործունեությունը, ներառյալ այն ռիսկերն ու հնարավորությունները, որոնց առնչվում է կազմակերպությանը:

Սահմանումներ

9. Հետևյալ տերմինները սույն ստանդարտում օգտագործված են ստորև նշված իմաստներով՝
- Կապակցված** կողմն անձ է կամ կազմակերպություն, որը կապակցված է իր ֆինանսական հաշվետվությունները պատրաստող կազմակերպության հետ (սույն ստանդարտում՝ հաշվետու կազմակերպություն):
- ա) Անձը կամ այդ անձի ընտանիքի մտերիմ անդամը կապակցված է հաշվետու կազմակերպության հետ, եթե այդ անձը՝
- (i) Վերահսկողություն կամ համատեղ վերահսկողություն է իրականացնում հաշվետու կազմակերպության նկատմամբ,
 - (ii) Նշանակալի ազդեցություն ունի հաշվետու կազմակերպության նկատմամբ, կամ
 - (iii) հաշվետու կազմակերպության նրա մայր կազմակերպության առանցքային կառավարչական անձնակազմի անդամ է:
- բ) Կազմակերպությունը կապակցված է հաշվետու կազմակերպության հետ, եթե կիրառելի է հետևյալ պայմաններից որևէ մեկը՝
- (i) Կազմակերպությունը և հաշվետու կազմակերպությունը միևնույն խմբի անդամ են (ինչը նշանակում է, որ յուրաքանչյուր մայր կազմակերպություն, դուստր կազմակերպություն և միևնույն մայր կազմակերպության այլ դուստր կազմակերպություն կապակցված է մյուսների հետ):
 - (ii) Մեկ կազմակերպությունը մեկ այլ կազմակերպության ասոցիացված կազմակերպությունն է կամ համատեղ ձեռնարկումը (կամ այնպիսի խմբի անդամ կազմակերպության ասոցիացված կազմակերպությունն է կամ համատեղ ձեռնարկումը, որի անդամ է նաև մեկ այլ կազմակերպությունը):
 - (iii) Երկու կազմակերպություններն էլ միևնույն երրորդ կողմի համատեղ ձեռնարկումներն են:
 - (iv) Մեկ կազմակերպությունը երրորդ կազմակերպության համատեղ ձեռնարկումն է իսկ մեկ այլ կազմակերպությունը նույն երրորդ կազմակերպության ասոցիացված կազմակերպությունն է:
 - (v) Կազմակերպությունը հետաշխատանքային հատուցումների պլան է՝ կամ հաշվետու կազմակերպության, կամ հաշվետու կազմակերպության հետ կապակցված կազմակերպության աշխատակիցներին հատուցումներ վճարելու համար: Եթե

հաշվետու կազմակերպությունն ինքն է այդպիսի պլան, ապա ֆինանսավորող գործառուն նույնական կապակցված է հաշվետու կազմակերպության հետ:

- (vi) Կազմակերպությունը վերահսկվում է կամ համատեղ վերահսկվում է (ա) կետում նշված անձի կողմից:
- (vii) (ա)(ի) կետում նշված անձը նշանակալի ազգեցություն ունի կազմակերպության նկատմամբ կամ նրա (կամ նրա մայր կազմակերպության) առանցքային կառավարչական անձնակազմի անդամ է:

Կապակցված կողմից հետ գործարքը ռեսուրսների, ծառայությունների կամ պարտականությունների փոխանցում է հաշվետու կազմակերպության և կապակցված կողմից միջև՝ անկախ վճարի գանձումից:

Անձի ընտանիքի մուերին անդամներն ընտանիքի այն անդամներն են, ովքեր ենթադրաբար կարող են ազգել այդ անձի վրա կամ ենթարկվել նրա ազգեցությանը՝ կազմակերպության հետ իրենց փոխհարաբերություններում և ներառում են՝

- ա) այդ անձի երեխաները և ամուսինը կամ զուգընկերը,
բ) այդ անձի ամուսնու կամ զուգընկերոց երեխաները, և
գ) այդ անձի ամուսնու կամ զուգընկերոց խնամարկյալները:

Հատուցումը ներառում է աշխատակիցների բոլոր հատուցումները (ինչպես սահմանված է «Աշխատակիցների հատուցումներ» ՀՀՍՍ 19-ում), ներառյալ աշխատակիցների այն հատուցումները, որոնց նկատմամբ կիրառվում է «Բաժնետումսերի վրա հիմնված վճարում» ՖՀՍՍ 2-ը: Աշխատակիցների հատուցումները ներառում են կազմակերպության կողմից կամ անունից ցանկացած ձևով վճարված, վճարվելիք կամ տրամադրվող բոլոր տեսակի հատուցումները՝ կազմակերպությանը մատուցված ծառայության դիմաց: Այն նաև ներառում է կազմակերպության հետ կապված՝ մայր կազմակերպության անունից վճարվող հատուցումը: Հատուցումը ներառում է՝

- ա) աշխատակիցների կարձաժամկետ հատուցումները, ինչպիսիք են, օրինակ, աշխատավարձը, սոցիալական ապահովության մասինանումները, վճարովի տարեկան արձակուրդները և հիվանդության հետ կապված վճարովի արձակուրդները, շահույթի բաշխումները և պարզեավճարները (Եթե դրանք ենթակա են վճարման ժամանակաշրջանի ավարտից հետո տասներկու ամսվա ընթացքում), ինչպես նաև ոչ դրամային հատուցումները (օրինակ՝ բուժսպասարկում, բնակարանով և ավտոմեքենայով ապահովում, անվճար կամ մասնակի վճարումով ապրանքների կամ ծառայությունների տրամադրում) ընթացիկ աշխատակիցների համար.
բ) հետաշխատանքային հատուցումներ, ինչպիսիք են, օրինակ, կենսաթոշակները, թոշակի անցման հետ կապված այլ հատուցումներ, հետաշխատանքային կյանքի ապահովությունը և հետաշխատանքային բուժսպասարկումը.
գ) աշխատակիցների այլ երկարաժամկետ հատուցումները, ներառյալ երկարամյա ծառայության դիմաց արձակուրդը կամ գիտական կամ ստեղծագործական աշխատանքների համար տրվող արձակուրդը, հորեցյանական կամ երկարամյա ծառայության դիմաց այլ հատուցումներ, երկարատև անաշխատունակության նպաստները, ինչպես նաև շահույթի բաշխումները, պարզեավճարները և հետաձգված փոխհատուցումները, եթե դրանք ամբողջությամբ ենթակա չեն վճարման տվյալ ժամանակաշրջանի ավարտից հետո տասներկու ամսվա ընթացքում.
դ) ազատման նպաստները.
ե) բաժնետումսի վրա հիմնված վճարումները:

Առանցքային կառավարչական անձնակազմը այն անձինք են, ովքեր իրավասու և պատասխանատու են՝ ուղղակիորեն կամ անուղղակիորեն, կազմակերպության գործունեության պլանավորման, ուղղորդման և վերահսկողության համար, ներառյալ կազմակերպության տնօրենները (գործադիր կամ այլ):

Պետությունը ներառում է պետությունը, պետության գործակալությունները և նման մարմինները՝ լինեն դրանք տեղական, ազգային կամ միջազգային:

Դեսության հետ կապակցված կազմակերպությունն այն կազմակերպությունն է, որը վերահսկվում է, համատեղ վերահսկվում է կամ նշանակալի ազդեցություն է կրում պետության կողմից:

“Վերահսկողություն”, “համատեղ վերահսկողություն” և “նշանակալի ազդեցություն” տերմինները սահմանված են ՖՀՍՍ 10-ում, «Համատեղ պայմանավորվածություններ» ՖՀՍՍ 11-ում և «Ներդրումները ասոցիացված կազմակերպություններում և համատեղ ձեռնարկներում» ՀՀՍՍ 28-ում և սույն ստանդարտում օգտագործվում են նշված ՖՀՍՍ-ներում սահմանված իմաստներով:

10. Կապակցված կողմերի միջև յուրաքանչյուր հնարավոր փոխհարաբերություն դիտարկելիս պետք է ուշադրություն դարձնել ոչ միայն տվյալ փոխհարաբերության սույն իրավական ձևին, այլև եռթյանը:
11. Սույն ստանդարտի համատեքստում ստորև նշվածները չեն համարվում կապակցված կողմեր՝
 - ա) Երկու կազմակերպություններ գուտ այն պատճառով, որ նրանք ունեն ընդհանուր տնօրեն կամ առանցքային կառավարչական անձնակազմի որևէ անդամ կամ էլ այն պատճառով, որ մի կազմակերպության առանցքային կառավարչական անձնակազմի անդամը նշանակալի ազդեցություն ունի մյուս կազմակերպության վրա:
 - բ) Երկու ձեռնարկողներ գուտ այն պատճառով, որ նրանք բաժանում են համատեղ ձեռնարկման համատեղ վերահսկողությունը:
 - գ)
 - (i) ֆինանսական միջոցներ տրամադրողները,
 - (ii) արհմիությունները,
 - (iii) հանրային կոմունալ կազմակերպությունները, և
 - (iv) հաշվետու կազմակերպությանը չվերահսկող, համատեղ չվերահսկող կամ նրա նկատմամբ նշանակալի ազդեցություն չունեցող պետության ստորաբաժանումները և գործակալությունները,
12. Կապակցված կողմի սահմանման մեջ, ասոցիացված կազմակերպությունը ներառում է նրա դրւատը կազմակերպությունները և համատեղ ձեռնարկումը ներառում է վերջինիս դրւատը կազմակերպությունները։ Հետևաբար, օրինակ, ասոցիացված կազմակերպության դրւատը կազմակերպությունը և այդ դրւատը կազմակերպության նկատմամբ նշանակալի ազդեցություն ունեցող ներդրողը կապակցված են միմյանց։

Բացահայտումներ

Բոլոր կազմակերպությունները

13. Մայր կազմակերպության և նրա դրւատը կազմակերպությունների միջև փոխհարաբերությունները պետք է բացահայտվեն՝ անկախ նրանց միջև գործարքներ տեղի ունեցած լինելուց։ Կազմակերպությունը պետք է բացահայտի իր մայր կազմակերպության անունը և վերջնական վերահսկող կողմի անունը, եթե դրանք չեն։ Եթե ո՞չ այդ կազմակերպության մայր կազմակերպությունը, ո՞չ վերջնական վերահսկող կողմը չեն պատրաստում հանրության կողմից օգտագործման համար հասանելի համահմբված ֆինանսական հաշվետվություններ, ապա պետք է նաև բացահայտվի հաջորդ ավելի ավագ մայր կազմակերպության անունը, որ ներկայացնում է այդպիսի ֆինանսական հաշվետվություններ։
14. Որպեսզի ֆինանսական հաշվետվություններն օգտագործողները կարողանան կարծիք կազմել կապակցված կողմերի միջև փոխհարաբերությունների՝ կազմակերպության վրա ազդեցության մասին, նպատակահարմար է բացահայտել կապակցված կողմերի միջև փոխհարաբերությունները

վերահսկողության առկայության դեպքում՝ անկախ այն հանգամանքից, թե այդ կապակցված կողմերի միջև գործարքներ եղել են, թե ոչ:

15. Մայր կազմակերպության և իր դրաստր կազմակերպությունների միջև կապակցված կողմերի փոխհարաբերությունների բացահայտման պահանջը ավելանում է ՀՀՍՍ 27-ով և «Այլ կազմակերպություններում մասնակցության բացահայտում» ՖՀՍՍ 12-ով պահանջվող բացահայտումներին:
16. Պարագրաֆ 13-ը հղում է կատարում հաջորդ ամենաավագ մայր կազմակերպությանը: Դա խմբի մեջ անմիջական մայր կազմակերպությունից վեր կանգնած առաջին մայր կազմակերպությունն է, որ կազմում է հանրության կողմից օգտագործման համար հասանելի համախմբված ֆինանսական հաշվետվություններ:
17. Կազմակերպությունը պետք է բացահայտի առանցքային կառավարչական անձնակազմի հատուցումները ամբողջը և հետևյալ կատեգորիաներից յուրաքանչյուրի համար առանձին՝
 - ա) աշխատակիցների կարճաժամկետ հատուցումներ.
 - բ) հետաշխատանքային հատուցումներ.
 - գ) այլ երկարաժամկետ հատուցումներ.
 - դ) ազատման նպաստներ.
 - ե) բաժնետոմսի վրա հիմնված վճարումներ:
18. Եթե կազմակերպությունը ֆինանսական հաշվետվություններում ներառվող ժամանակաշրջանում ունեցել է գործարքներ կապակցված կողմից հետ, ապա այն պետք է բացահայտի կապակցված կողմերի միջև փոխհարաբերությունների բնույթը, ինչպես նաև տեղեկատվությունը գործարքների և չմարված մնացորդների՝ ներառյալ հանձնառությունների, վերաբերյալ, որոնք անհրաժեշտ են օգտագործողներին՝ ֆինանսական հաշվետվությունների վրա այդ հարաբերությունների հնարավոր ազդեցությունը հասկանալու համար: Այս բացահայտումները պետք է կատարվեն ի լրումն 17-րդ պարագրաֆի պահանջների: Բացահայտումները պետք է կատարվեն՝ առնվազն ներառեն՝
 - ա) գործարքների գումարը.
 - բ) չմարված մնացորդների՝ ներառյալ հանձնառությունների, գումարը և՝
 - (i) դրանց ժամկետներն ու պայմանները, ներառյալ դրանց ապահովված լինելը և մարման համար վճարվելիք հատուցման բնույթը.
 - (ii) ցանկացած ստացված կամ տրված երաշխիքի վերաբերյալ մանրամասները.
 - գ) չմարված մնացորդների գումարի հետ կապված կասկածելի պարտքերի պահուստները.
 - դ) ժամանակաշրջանի ընթացքում ձանաշված ծախսերը կապակցված կողմերից ստացվելիք անհուսալի կամ կասկածելի պարտքերի գծով:
19. Պարագրաֆ 18- ով պահանջվող բացահայտումները հետևյալ կատեգորիաներից յուրաքանչյուրի համար պետք է կատարվեն առանձին՝
 - ա) մայր կազմակերպություն.
 - բ) կազմակերպության նկատմամբ համատեղ վերահսկողություն կամ նշանակալի ազդեցություն ունեցող կազմակերպություններ.
 - գ) դրաստր կազմակերպություններ.
 - դ) ասոցիացված կազմակերպություններ.
 - ե) համատեղ ձեռնարկումներ, որտեղ կազմակերպությունը համատեղ ձեռնարկող է.
 - գ) կազմակերպության կամ իր մայր կազմակերպության առանցքային կառավարչական անձնակազմը.
 - ե) այլ կապակցված կողմեր:

20. Կապակցված կողմերին վճարվելիք և դրանցից ստացվելիք գումարների դասակարգումը 19-րդ պարագրաֆով՝ պահանջվող տարբեր կատեգորիաներում համարվում է շարունակություն «Ֆինանսական հաշվետվորունների ներկայացում» ՀՀՍՍ 1-ով՝ պահանջվող այն տեղեկատվության, որը պետք է ներկայացվի կամ ֆինանսական վիճակի մասին հաշվետվորունում, կամ ծանոթագրություններում։ Այդ կատեգորիաներն ընդլայնվել են՝ տրամադրելու համար կապակցված կողմերի միջև գործարքների գծով՝ մնացորդների առավել համապարփակ վերլուծություն, և վերաբերում են կապակցված կողմերի միջև գործարքներին։
21. Ստորև բերված են այնպիսի գործարքների օրինակներ, որոնք բացահայտվում են, եթե կատարված են կապակցված կողմի հետ՝
- ա) ապրանքների, արտադրանքի (պատրաստի կամ անավարտ) գնում կամ վաճառք.
 - բ) գույքի և այլ ակտիվների գնում կամ վաճառք.
 - գ) ծառայությունների մատուցում կամ ստացում.
 - դ) վարձակալություններ.
 - ե) հետազոտության և մշակման արդյունքների փոխանցում.
 - զ) լիցենզային համաձայնագրերի ներքոիրավունքների փոխանցումներ.
 - է) ֆինանսավորման համաձայնագրերի ներքո միջոցների փոխանցումներ (ներառյալ վարկերը և կանոնադրական կապիտալում ներդրումները դրամական կամ բնաիրային տեսքով).
 - ը) երաշխիքների կամ գրավի տրամադրում.
 - թ) ապագայում որոշակի դեպքի տեղի ունենալու կամ տեղի չունենալու պարագայում ինչ-որ գործողություն ձեռնարկելու հանձնառություններ՝ ներառյալ ապագայում կատարվելիք պայմանագրերը¹ (ձանաշված կամ չձանաշված), և
 - ժ) պարտավորությունների մարումը կազմակերպության անունից, կամ կազմակերպության միջոցով, այդ կապակցված կողմի անունից։
22. Մայր կամ դուստր կազմակերպության մասնակցությունը սահմանված հատուցումների պլանին, որը կիսում է խմբի կազմակերպությունների միջև ոփակերը, կապակցված կողմերի միջև գործարք է (տե՛ս ՀՀՍՍ 19-ի (2011 թվականին փոփոխված) 42-րդ պարագաՓ)։
23. Այն փաստի բացահայտումը, որ կապակցված կողմերի միջև գործարքները կատարվել են այնպիսի պայմաններով, որոնք համարժեք են պարզած ձեռքի հեռավորության գործարքների ժամանակ գերաշող պայմաններին, կատարվում է միայն այդ պայմանները հիմնավորելու հնարավորության դեպքում։
24. Նմանատիպ բնույթի հոդվածները կարող են միասնաբար բացահայտվել, բացառությամբ այն դեպքերի, երբ առանձին բացահայտումն անհրաժեշտ է՝ կազմակերպության ֆինանսական հաշվետվորունների վրա կապակցված կողմերի միջև գործարքների ազդեցությունը հասկանալու համար։

Պետության հետ կապակցված կազմակերպությունները

25. Հաշվետու կազմակերպությունը ազատվում է կապակցված կողմի հետ գործարքների և չմարված մնացորդների՝ ներառյալ հանձնառությունների, մասով՝ պարագաՓ 18-ի բացահայտման պահանջներից, հետևյալների հետ փոխարարերությունների մասով՝
- ա) պետության, որը վերահսկում կամ համատեղ վերահսկում է կամ նշանակալի ազդեցություն ունի հաշվետու կազմակերպության նկատմամբ, և

¹ «Պահուստներ, պայմանական պարտավորություններ և պայմանական ակտիվներ» ՀՀՍՍ 37-ը սահմանում է ապագայում կատարվելիք պայմանագրերը որպես պայմանագրեր, որոնց մասով կողմերից ոչ մեկը չի կատարել իր պարտավորություններից ոչ մեկը կամ երկու կողմն էլ կատարել են իրենց պարտավորությունները մասամբ և հավասարաշատ։

- p) մեկ այլ կազմակերպության, որը կապակցված կողմ է այն պատճառում, որ նույն պետությունը վերահսկում կամ համատեղ վերահսկում է կամ նշանակալի ազդեցություն ունի և հաշվետու կազմակերպության, և՝ այլ կազմակերպության նկատմամբ
26. Եթե հաշվետու կազմակերպությունը կիրառում է 25-րդ պարագրաֆով նախատեսված ազատումը, այն պետք է բացահայտի 25-րդ պարագրաֆում հղում կատարված գործարքների և շմարված մնացորդների վերաբերյալ հետևյալ տեղեկատվությունը՝
- ա) պետության անվանումը և հաշվետու կազմակերպության հետ ունեցած փոխհարաբերությունների բնույթը (այն է՝ վերահսկողություն, համատեղ վերահսկողություն կամ նշանակալի ազդեցություն)
- բ) բավարար մանրամասնությամբ հետևյալ տեղեկատվությունը, որը թույլ կտա կազմակերպության ֆինանսական հաշվետվություններն օգտագործողներին հասկանալ կապակցված կողմի հետ գործարքի ազդեցությունը նրա ֆինանսական հաշվետվությունների վրա.
- (i) յուրաքանչյուր առաձին վերցված նշանակալի գործարքի բնույթը և գումարը, և
- (ii) մնացած գործարքների համար, որոնք նշանակալի են միասին վերցված, բայց ոչ առանձին, դրանց չափերի վերաբերյալ քանակական և որակական տեղեկատվություն։ Գործարքների տեսակները ներառում են 21-րդ պարագրաֆում թվարկածները։
27. Պարագրաֆ 26(ը) պահանջներին համապատասխան բացահայտման մանրամասնության մակարդակը որոշելու նպատակով իր դատողությունները կիրառելիս հաշվետու կազմակերպությունը պետք է հաշվի առնի կապակցված կողմի հետ փոխհարաբերությունների մտերմությունը և գործարքի նշանակալիության մակարդակը պարզելու համար այլ կարևոր գործոնները, ինչպիսիք են գործարքի հետևյալ հատկանիշները՝
- ա) նշանակալի է չափի առումով,
- բ) իրականացվել է ոչ շուկայական պայմաններով,
- գ) դրուս է առօրյա սովորական գործնական գործառնություններից, ինչպես օրինակ ձեռնարկատիրական գործունեության առքը կամ վաճառքը,
- դ) բացահայտվել է կարգավորող կամ վերահսկող մարմիններին,
- ե) գեկուցվել է բարձրաստիճան դեկավարությանը,
- զ) ենթակա է բաժնետերերի հաստատմանը։

Ուժի մեջ մտնելը և անցումը

28. Կազմակերպությունը պետք է սույն ստանդարտը կիրարի հետընթաց՝ 2011 թվականի հունվարի 1-ին կամ դրանից հետո սկսվող տարեկան ժամանակաշրջանների համար։ Ամբողջ ստանդարտի կամ պետության հետ կապակցված կազմակերպությունների համար 25-27-րդ պարագրաֆներում նախատեսված մասնակի ազատումների ավելի վաղ կիրառությունը թույլատրվում է։ Եթե կազմակերպությունը ամբողջ ստանդարտը կամ այդ մասնակի ազատումները կիրառում է 2011 թվականի հունվարի 1-ից առաջ սկսվող ժամանակաշրջանի համար, ապա պետք է բացահայտի այդ փաստը։
- 28Ա. 2011 թվականի մայիսին հրապարակված ՖՀՍՍ 10-ը, «Համատեղ պայմանավորվածություններ» ՖՀՍՍ 11-ը և ՖՀՍՍ 12-ը փոփոխել են 3-րդ, 9-րդ, 11(ը), 15-րդ, 19(ը) ու (ե) և 25-րդ պարագրաֆները։ Կազմակերպությունը պետք է կիրարի այդ փոփոխությունները, եթե կիրառում է ՖՀՍՍ 10-ը, ՖՀՍՍ 11-ը և ՖՀՍՍ 12-ը։

ՀՀՍՍ 24-ի (2003) գործողության դադարեցումը

29. Սույն ստանդարտը փոխարինում է «Կապակցված կողմերի բացահայտումներ» ՀՀՍՍ 24-ին (վերանայված՝ 2003 թվականին)։